



Broj: 12-11-15-2059/23
Sarajevo, 12. 7. 2023. godine

Na osnovu člana 69. stav (2) tačka a) i d), člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14 i 59/22) i preporuke Komisije za provođenje postupka javne nabavke kompjuterske i uredske opreme putem otvorenog postupka javne nabavke (obavještenje o javnoj nabavci broj: 296-1-1-14-3-18/23 objavljeno je na Portalu javnih nabavki 22. 5. 2023. godine i Sažetak obavještenja u „Službenom glasniku Bosne i Hercegovine“ broj 38/23 od 26. 5. 2023. godine), date u Zapisniku o pregledu i ocjeni ponuda broj: 12-11-15-1477-7/23 od 11. 7. 2023. godine, generalni revizor d o n o s i

ODLUKU
o poništenju postupka javne nabavke
kompjuterske i uredske opreme za LOT 1, LOT 2, LOT 3, LOT 5, LOT 7, LOT 8, LOT 9 i LOT 10

I

Poništava se postupak javne nabavke kompjuterske i uredske opreme proveden putem otvorenog postupka javne nabavke za:

- LOT 1, LOT 7, LOT 8, LOT 9 i LOT 10 jer nije dostavljena nijedna ponuda u određenom krajnjem roku i
- LOT 2, LOT 3 i LOT 5 jer nijedna od primljenih ponuda nije prihvatljiva.

II

Ova odluka stupa na snagu danom potpisivanja i bit će objavljena na službenoj internet-stranici Ureda za reviziju institucija u Federaciji Bosne i Hercegovine, <http://www.vrifbih.ba/>.

Obrazloženje

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik Bosne i Hercegovine“ broj 39/14 i 59/22) Odlukom broj: 12-11-15-1477/23 od 12. 5. 2023. godine pokrenuo postupak javne nabavke kompjuterske i uredske opreme za potrebe Ureda za reviziju institucija u Federaciji Bosne i Hercegovine za budžetsku 2023. godinu, putem otvorenog postupka. Postupak je podijeljen na deset lotova:

- LOT 1: Storage uređaj za virtuelnu infrastrukturu (sa uslugom ugradnje i instalacije)
- LOT 2: Laptop
- LOT 3: Računar – radna stanica (all in one)
- LOT 4: Monitori:
- LOT 5: USB – C dock
- LOT 6: Tastatura
- LOT 7: Multifunkcijski štampač/kopir/skener/faks, A4 laserski monohromatski
- LOT 8: Mrežni štampač A4 laserski monohromatski
- LOT 9: Mrežni štampač A4 u boji tintni
- LOT 10: Rack ormar (sa uslugom ugradnje i instalacije)

Obavještenje o javnoj nabavci broj: 296-1-1-14-3-18/23 objavljeno je na Portalu javnih nabavki 22. 5. 2023. godine i Sažetak obavještenja u „Službenom glasniku Bosne i Hercegovine“ broj 38/23 od 26. 5. 2023. godine. Komisija za provođenje postupka javne nabavke kompjuterske i uredske opreme imenovana je Rješenjem generalnog revizora broj: 12-11-15-1477-1/23 od 16. 5. 2023. godine i 12-11-15-1477-1-1/23 od 16. 5. 2023. godine, provela je postupak javne nabavke u skladu sa Zakonom o javnim nabavkama i podzakonskim aktima te o istom sačinila: Zapisnik o otvaranju ponuda od 26. 6. 2023. godine, Analitički prikaz traženih i dostavljenih dokumenata – Kvalifikacija ponuđača broj: 12-11-15-1477-6/23 od 4. 7. 2023. godine i Zapisnik o pregledu i ocjeni ponuda broj: 12-11-15-1477-7/22 od 11. 7. 2023. godine u kojem se navodi:

„ Na protokol Ugovornog organa blagovremeno su pristigle ponude kako slijedi: Elur d.o.o. Kiseljak za LOT 4 i LOT 6; INTER-COM d.o.o. Zenica za LOT 2, LOT3 i LOT 4, ALF-OM d.o.o. Banja Luka za LOT 4 i EMADO d.o.o. Sarajevo za LOT 2, LOT 3, LOT 4 i LOT 5.
Za LOT 1, LOT 7, LOT 8, LOT 9 i LOT 10 nije pristigla nijedna ponuda.

Ponude ponuđača INTER-COM d.o.o. Zenica za LOT 2, LOT 3 i LOT 4 ne ispunjavaju zahtjeve tražene tenderskom dokumentacijom kako slijedi:

- u ponudi za LOT 2 na osnovu tehničke/kataloške dokumentacije dostavljene na stranici ponude 54/55, utvrđeno je da se kod ponuđenog proizvoda radi o 12. generaciji procesora, što nije u skladu s zahtjevima Tehničke specifikacije - Aneks III za LOT 2 u kojoj je navedeno da se traži posljednja generacija procesora.
- u ponudi za LOT 3 na osnovu tehničke/kataloške dokumentacije dostavljene na stranici ponude 21/21, utvrđeno je da se kod ponuđenog proizvoda radi o 12. generaciji procesora, što nije u skladu s zahtjevima Tehničke specifikacije - Aneks III za LOT 3 u kojoj je navedeno da se traži posljednja generacija procesora.
- u ponudi za LOT 3 i LOT 4 nije dostavljen spisak izvršenih ugovora i potvrda/e o uspješnoj realizaciji jednog ili više ugovora sa spiska što nije u skladu s zahtjevom Tenderske dokumentacije iz tačke 3.4 pod a) i b) i tačke 4.1. pod g).
- u ponudi za LOT 3 i LOT 4 nije dostavljen Obrazac zbirne izjave popunjen ovjeren i potpisan od strane ovlaštene osobe ponuđača - Aneks X što nije u skladu s zahtjevom Tenderske dokumentacije iz tačke 4.1. pod l).

Ponude ponuđača EMADO d.o.o. Sarajevo za LOT 2, LOT 3, LOT 4 i LOT 5 ne ispunjavaju zahtjeve tražene tenderskom dokumentacijom kako slijedi:

- u ponudi za LOT 2 cijena ponude u Obrascu za cijenu ponude – Aneks I (str. ponude 5) prelazi procijenjenu vrijednost nabavke odnosno osigurana sredstva Ugovornog organa za nabavku. Shodno članu 2. tačka l) 2) Zakona o javnim nabavkama („Službeni glasnik BiH“, broj: 39/14 i 59/22), neprihvatljiva je ponuda čija cijena premašuje planirana odnosno osigurana novčana sredstva ugovornog organa.

Također, u tehničkoj/kataloškoj dokumentaciji za LOT 2 dostavljenoj na stranici ponude 34-38, navedeno je više opcija ponuđenog proizvoda, te se ne može jasno utvrditi koje su tačno tehničke karakteristike ponuđenog proizvoda.

- u ponudi za LOT 3, 4 i 5 nije dostavljena Lista povjerljivih informacija – Aneks IV što nije u skladu s zahtjevom Tenderske dokumentacije iz tačke 4.1. pod d).
- u ponudi za LOT 5 na stranici ponude 9, dostavljena je ovjerena Tehnička specifikacija Aneks III za LOT 4, što nije u skladu s tačkom 4.1. pod c) Tenderske dokumentacije kojom je zahtijevano da ponuda treba da sadrži: Ovjerenu Tehničku specifikaciju - Aneks III“.

Članom 57. stav 1. Zakona o javnim nabavkama („Službeni glasnik BiH“, broj: 39/14 i 59/22), propisano je: “U postupku javne nabavke kandidat/ponuđač se pridržava zahtjeva i uslova iz tenderske dokumentacije“

Iz navedenih razloga, Komisija je preporučila generalnom revizoru da u skladu s članom 69. stav (2) tačka (a) Zakona o javnim nabavkama poništi postupak javne nabavke jer nije dostavljena nijedna ponuda u određenom krajnjem roku za LOT 1: Storage uređaj za virtuelnu infrastrukturu (sa uslugom ugradnje i instalacije), LOT 7: Multifunkcijski štampač/kopir/skener/faks, A4 laserski monohromatski, LOT 8: Mrežni štampač A4 laserski monohromatski, LOT 8: Mrežni štampač A4 laserski monohromatski, LOT 9: Mrežni štampač A4 u boji tintni i LOT 10: Rack ormar (sa uslugom ugradnje i instalacije), a da u skladu sa članom 69. stav (2) tačka (d) Zakona o javnim nabavkama poništi postupak javne nabavke jer nijedna od primljenih ponuda nije prihvatljiva za: LOT 2: Laptop, LOT 3: Računar – radna stanica (all in one) i LOT 5: USB – D dock.

Uzimajući u obzir naprijed navedeno, odlučeno je kao u dispozitivu odluke.

Pouka o pravnom lijeku: U skladu sa članom 99. i članom 101. Zakona o javnim nabavkama protiv ove odluke može se izjaviti žalba u roku od 10 (deset) dana od dana zaprimanja odluke.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Dostaviti:

- INTER-COM d.o.o. Zenica
- EMADO d.o.o. Sarajevo
- u spis
- a/a

